



## NAMANGAN VILOYATI MINGBULOQ TUMANI HOKIMINING QARORI

2024-yil 17-dekabr

725-6-81-Q/24

Mingbuloq tumani hokimligi

**O‘zbekiston Respublikasi Prezidentining “Tibbiyot muassasalarini farmatsevtika mahsulotlari va tibbiy jihozlar bilan ta’minlash tizimini takomillashtirish chora-tadbirlari to‘g‘risida” 2024-yil 29-noyabrdagi PQ–408-sonli, shu haqdagi viloyat hokimining 2024-yil 12-dekabrda 596-6-0-Q/24-sonli qarorlari ijrosi haqida**

O‘zbekiston Respublikasi Prezidentining “Tibbiyot muassasalarini farmatsevtika mahsulotlari va tibbiy jihozlar bilan ta’minlash tizimini takomillashtirish chora-tadbirlari to‘g‘risida” 2024-yil 29-noyabrdagi PQ–408-sonli, shu haqdagi viloyat hokimining 2024-yil 12-dekabrda 596-6-0-Q/24-sonli qarorlarini tumanda ijrosini ta’minlash maqsadida, “Mahalliy davlat hokimiyati to‘g‘risida”gi O‘zbekiston Respublikasi Qonunining 6 va 21-moddalariga asosan,

### Q A R O R Q I L A M A N:

1. O‘zbekiston Respublikasi Prezidentining “Tibbiyot muassasalarini farmatsevtika mahsulotlari va tibbiy jihozlar bilan ta’minlash tizimini takomillashtirish chora-tadbirlari to‘g‘risida” 2024-yil 29-noyabrdagi PQ–408-sonli, shu haqdagi viloyat hokimining 2024-yil 12-dekabrda 596-6-0-Q/24-sonli qarorlari rahbarlik va amalda ijrosini ta’minlash uchun qabul qilinsin.

2. O‘zbekiston Respublikasi Prezidentining mazkur qarori bilan: Dori vositalari va tibbiy buyumlarga bo‘lgan ehtiyoj:

tuman (shahar) tibbiyot birlashmalari, Qoraqalpog‘iston Respublikasi, viloyatlar va Toshkent shahri darajasidagi tibbiyot muassasalari, respublika darajasidagi tibbiyot muassasalari, Sog‘liqni saqlash vazirligining doimiy faoliyat yurituvchi hay‘atlari tomonidan shakllantirilishi, bunda ehtiyojni hisoblash hududdagi kasallanish ko‘rsatkichlari bo‘yicha bemorlar soni, bir bemorga talab etiladigan kunlik miqdor, davolash kursining davomiyligi, mavjud zaxira hamda demografik holatni inobatga olgan holda amalga oshirilishi;

byudjet to‘g‘risidagi qonunchilik hujjatlarida belgilangan muddatlar asosida kelgusi yil uchun Davlat budjeti parametrlari bilan bir vaqtda shakllantirilishi;

dori vositalari va tibbiy buyumlarga o‘n besh oylik ehtiyoj asosida shakllantirilib, undan omborxonadagi qoldiq miqdorlarni chegirish orqali aniqlanishi;

belgilanishicha, 2025-yil 1-yanvardan boshlab:

a) O‘zbekiston Respublikasining “Davlat xaridlari to‘g‘risida”gi Qonuniga muvofiq, shuningdek, Sog‘liqni saqlash vazirligi hamda Iqtisodiyot va moliya vazirligi tomonidan belgilanadigan tartib va ro‘yxatga asosan quyidagi dori vositalari va tibbiy buyumlarning davlat xaridini to‘g‘ridan-to‘g‘ri shartnomalar asosida amalga oshirishga ruxsat etilishi:

original dori vositalari (ularning ishlab chiqaruvchisi yoki rasmiy yetkazib beruvchisi orqali);

yopiq turdagi laboratoriya uskunasi uchun maxsus reagent, reaktiv va sarflov vositalari; shoshilinch va tez tibbiy yordam ko'rsatish uchun zarur dori vositalari va tibbiy buyumlar; bunda to'g'ridan-to'g'ri shartnomalar asosida sotib olinadigan dori vositalari va tibbiy buyumlarning shoshilinch tibbiy yordam ko'rsatish uchun zarur miqdorda va hajmda xarid qilinishi bo'yicha mas'uliyat va shaxsiy javobgarlik tibbiyot muassasasi rahbari zimmasiga yuklatilishi;

b) Sog'liqni saqlash vazirligi tomonidan davlat xaridlari sohasidagi vakolatli organ bilan kelishilgan holda tasdiqlangan to'g'ridan-to'g'ri shartnomalar bo'yicha xarid qilinadigan dori vositalari va tibbiyotda qo'llanadigan buyumlarning amaldagi ro'yxatlari bekor qilinishi;

d) dori vositalari, tibbiy uskunalar va buyumlarning markazlashgan tartibda amalga oshiriladigan xaridida ularning boshlang'ich narxini aniqlash bo'yicha marketing tadqiqotlari o'tkazilishi;

e) quyidagi dori vositalarini markazlashgan tartibda xarid qilish taqiqlanganligi: umumiy yaroqlilik muddati ikki yilgacha bo'lganda - yetkazib beriladigan vaqtda 30 foizdan ortiq muddati o'tgan;

umumiy yaroqlilik muddati uch yilgacha bo'lganda - yetkazib beriladigan vaqtda 40 foizdan ortiq muddati o'tgan;

umumiy yaroqlilik muddati uch yildan ortiq bo'lganda - yetkazib beriladigan vaqtda 50 foizdan ortiq muddati o'tgan;

ushbu bandeda nazarda tutilgan talablar davlat zaxirasidan chiqarilgan dori vositalarini xarid qilish uchun tatbiq etilmasligi;

tibbiyot muassasalarini dori vositalari, tibbiy buyumlar, tibbiy texnika va jihozlar bilan ta'minlash bo'yicha "yo'l xaritasi" 1-ilovaga muvofiq tasdiqlanganligi;

Sog'liqni saqlash vazirligining quyidagi takliflariga rozilik berilganligi;

a) "O'zmedimpeks" va "Tibbiyot texnikalariga xizmat ko'rsatish o'quv- ishlab chiqarish markazi" davlat muassasalari negizida Sog'liqni saqlash vazirligi huzurida davlat muassasasi shaklida Xaridlar markazini (keyingi o'rinlarda- Markaz) hamda Markazning 13 ta hududiy filialini tashkil etishi;

bunda Markaz "O'zmedimpeks" va "Tibbiyot texnikalariga xizmat ko'rsatish o'quv-ishlab chiqarish markazi" davlat muassasalarining barcha huquqlari, majburiyatlari va shartnomalari bo'yicha huquqiy vorisi hisoblanishi;

b) dori vositalari, tibbiy buyumlar, tibbiy texnika va jihozlar uchun markazlashgan tartibda amalga oshiriladigan xaridlarni Markaz hamda ishlab chiqaruvchi (rasmiy yetkazib beruvchi) o'rtasida tuziladigan uzoq muddatli (bir yildan ortiq muddatga) shartnoma asosida amalga oshirishi;

d) BMTning taraqqiyot dasturi bilan hamkorlikda dori vositalari va tibbiy uskunalarni xarid qilish, saqlash, yetkazib berish va bemorlar ta'minoti tizimini tashkil etish hamda ushbu jarayonlarni raqamlashtirish bo'yicha loyiha (keyingi o'rinlarda -Loyiha) amalga oshirishi;

bunda Loyiha doirasida hududlarda dori vositalari va tibbiy uskunalarni saqlash uchun zarur talablar asosida jihozlangan omborlar tashkil etiladi hamda ularni tibbiyot muassasigacha yetkazib berish uchun haroratni nazorat qilish moslamalari bilan jihozlangan maxsus avtotransport vositalari bilan ta'minlanishi;

quyidagilar Markazning asosiy vazifalari etib belgilanganligi:

Sog'liqni saqlash vazirligi buyurtmasiga ko'ra tibbiyot muassasalarini dori va sarflov vositalari, tibbiy buyumlar, tibbiy uskunalar, reagentlar, reaktivlar, butlovchi qismlar va boshqa

asosiy vositalar (keyingi o‘rinlarda - tibbiy tovarlar) bilan ta’minlash uchun davlat xaridlarini amalga oshirishi;

xarid qilingan tibbiy tovarlarni zarur talablar asosida saqlash hamda tibbiyot muassasalariga yetkazib berishi;

yagona elektron tizim orqali tibbiy jihozlarni hisobini yuritish, har bir tibbiyot muassasasi kesimida tibbiy jihozlarning samarali ishlatilishi bo‘yicha monitoring olib borishi;

tibbiyot muassasalariga tibbiy uskuna xarid qilish uchun texnik topshiriqlarni ishlab chiqishda ko‘maklashishi;

sog‘liqni saqlash tizimidagi tibbiyot muassasalarini tibbiy uskunalarni bilan ta’minlash bo‘yicha yagona siyosat yuritish, tibbiyot muassasalarini jihozlash bo‘yicha minimal talablarni ishlab chiqish, markazlashgan tartibda xarid qilingan tibbiy jihozlarning tibbiyot muassasalarida o‘rnatilishini, ularga texnik xizmat ko‘rsatilishini tashkil etish hamda soz holatda bo‘lishini ta’minlashi;

tibbiyot muassasalariga uchun xarid qilingan tibbiy texnikalarning kafolat davrida yetkazib beruvchi tomonidan o‘z majburiyatlarining shartnoma shartlariga muvofiq to‘liq bajarilishini tashkil etishi;

shartnoma asosida tibbiyot muassasalariga ulardagi tibbiy uskunalarni ta’minlash yoki belgilangan tartibda hisobdan chiqarish bo‘yicha ekspert xulosasini berishi;

belgilab qo‘yilishicha;

Sog‘liqni saqlash vazirligi buyurtmasiga ko‘ra markazlashgan xaridlarni amalga oshirishda Markaz faoliyatini moliyalashtirish, xarid qilingan tibbiy tovarlarni saqlash hamda joylarga yetkazish tizimini outsorsing asosida tashkil etish, tibbiy uskunalarga xizmat ko‘rsatish (butlovchi qismlar va sarflov materiallari bundan mustasno) xarajatlari uchun xarid summasidan 8 foizgacha miqdorda xizmat haqi belgilanadi hamda ko‘rsatiladigan xizmatlar uchun ko‘zda tutilgan mablag‘larning kamida 50 foizi Markazga oldindan o‘tkazib berilishi;

bunda Markaz xizmatlariga to‘lovlar uchun zarur mablag‘lar har yilgi rivojlantirish davlat dasturlarini amalga oshirish uchun Sog‘liqni saqlash vazirligiga ajratilgan mablag‘lar hisobidan qoplanishi;

Markazda tibbiy uskunalarni xarid qilishda tibbiyot muassasasining xususiyatidan kelib chiqib, texnik topshiriqlarni ishlab chiqish hamda ularga davriy xizmat ko‘rsatishni amalga oshiruvchi tibbiy muhandislar guruhi tashkil etilishi;

O‘zbekiston Respublikasi Prezidentining va O‘zbekiston Respublikasi Hukumatining ayrim hujjatlariga 2-ildan muvofiq o‘zgartirish va qo‘shimchalar kiritilganligi ma’lumot uchun qabul qilinsin.

3. Tuman Tibbiyot birlashmasi (O.Qo‘ldoshev), manfaatdor tashkilot va idoralar bilan birgalikda O‘zbekiston Respublikasi Prezidentining 2024-yil 29-noyabrdagi PQ-408-son qarori talablari asosida ish tashkil etsin.

4. Mazkur qarorning bajarilishini nazorat qilish tuman hokimining yoshlar siyosati, ijtimoiy rivojlantirish va ma’naviy-ma’rifiy ishlar bo‘yicha o‘rinbosari J.Raximov zimmasiga yuklansin.

**Tuman hokimi**



**A.Mansurov**